

TERMA DAN SYARAT YANG MENGAWAL AKAUN SEMASA-i MATA WANG ASING

Yang berikut adalah Terma dan Syarat Am dan Khusus yang mengawal pembukaan dan pengendalian Akaun Semasa-i Mata wang Asing dengan Bank.

Terma dan Syarat Am

1. **Pembukaan Akaun**

Saya/Kami/Organisasi maklum, bersetuju dan mengesahkan yang berikut:-

- 1.1 Akaun Pelbagai Mata wang Asing mempunyai sebuah akaun yang dibuka khusus bagi setiap jenis mata wang dan setiap peletakan/pendepositan berikutnya dalam mata wang asing yang serupa hendaklah menggunakan nombor akaun yang sama.
- 1.2 Saya/Kami/Organisasi akan mengendalikan kesemua Akaun Pelbagai Mata wang Asing yang dibuka dengan Bank, menggunakan kaedah pengendalian yang sama seperti yang tercatat di dalam borang untuk membuka akaun yang ditetapkan oleh Bank.
- 1.3 Saya/Kami/Organisasi diberi kuasa untuk membuka Akaun Pelbagai Mata wang Asing dan dengan ini memberikan butir-butir yang diperlukan untuk membuka akaun tersebut dan mengakui bahawa semua maklumat tersebut adalah betul. Saya/Kami/Organisasi mengaku janji untuk memaklumkan kepada Bank mengenai apa-apa perubahan kepada butir-butir peribadi saya/kami/butir-butir Organisasi.
- 1.4 Organisasi dengan ini mengemukakan kepada Bank Resolusi Lembaga Pengarah:-
 - 1.4.1 Membenarkan pembukaan Akaun-Akaun Pelbagai Mata wang Asing dengan cawangan anda yang mana akaun-akaun tersebut akan dibuka dan apabila Organisasi meletakkan deposit bagi pelbagai Mata wang Asing.
 - 1.4.2 Mengetahui pasti mereka (dengan menyatakan nama penuh, pengenalan diri dan jawatan mereka di dalam Organisasi) yang diberi kuasa untuk mengisi dan menandatangani borang untuk membuka akaun yang ditetapkan oleh Bank bagi pembukaan Akaun Pelbagai Mata wang Asing berkenaan.
 - 1.4.3 Menyatakan penandatanganan-penandatanganan dibenarkan yang ditetapkan bagi Akaun Pelbagai Mata wang Asing tersebut dan mandat yang berkenaan bagi pengendalian akaun-akaun berkenaan.
 - 1.4.4 Menyatakan bahawa mandat dan penandatanganan-penandatanganan yang dibenarkan bagi pengendalian akaun-akaun tersebut adalah sama untuk semua Akaun Pelbagai Mata wang Asing yang dibuka/akan dibuka dengan Bank.
- 1.5 Saya/Kami/Organisasi bersetuju dan mengesahkan bahawa terma dan syarat yang terdapat di dalam borang untuk membuka akaun yang ditetapkan oleh Bank, dan Syarat-Syarat dan Peraturan tersebut akan diguna pakai bagi semua Akaun Pelbagai Mata wang Asing, yang dibuka/akan dibuka dengan Bank di cawangan anda.
- 1.6 Bagi memudahkan pembukaan Akaun Pelbagai Mata wang Asing saya/kami yang berikutnya, penandatanganan-penandatanganan yang dibenarkan yang dinyatakan di dalam borang untuk membuka akaun yang ditetapkan oleh Bank bagi Akaun Pelbagai Mata wang Asing yang pertama:-
 - 1.6.1 Akan menandatangani borang untuk membuka akaun yang ditetapkan oleh Bank untuk setiap akaun baharu yang dibuka dengan Bank.
 - 1.6.2 Boleh melantik mana-mana orang untuk membuat pendepositan dalam mata wang asing yang baharu ke dalam akaun baharu yang akan dibuka dengan Bank, dengan mengemukakan Surat Kebenaran (dalam format yang diterima oleh Bank) yang ditandatangani oleh penandatanganan-penandatanganan yang dibenarkan dan mendeposit sekurang-kurangnya amaun minimum dengan Bank.
- 1.7 Dengan menandatangani borang untuk membuka akaun yang ditetapkan oleh Bank dan/atau menurunkan cap getah Organisasi, saya/kami/Organisasi mengesahkan bahawa saya/kami/Organisasi telah menerima, membaca dan memahami sepenuhnya Terma dan Syarat tersebut, mengikut keadaannya yang secara kolektifnya diterima pakai bagi semua akaun saya/kami yang dibuka/akan dibuka dengan Bank.
- 1.8 Saya/Kami/Organisasi bersetuju untuk mematuhi dan terikat dengan Terma dan Syarat yang terkandung di dalam ini, dengan apa-apa pindaan (pindaan-pindaan) atau perubahan (perubahan-perubahan) pada Terma dan Syarat di atas dan Peraturan yang Bank mungkin akan perkenalkan, semak semula atau ganti kemudiannya yang terdapat dalam laman web Bank dan/atau di papan kenyataan di cawangan-cawangan dan/atau yang mungkin diberitahu melalui apa juga cara yang Bank anggap sesuai.

Saya/Kami/Organisasi selanjutnya bersetuju bahawa dengan terus mengekalkan dan mengendalikan akaun saya/kami selepas tarikh kuat kuasa pindaan atau perubahan tersebut, saya/kami/Organisasi dianggap telah menerima pindaan dan/atau perubahan yang telah dibuat dalam Terma dan Syarat serta Syarat dan Peraturan berkenaan dan kesemuanya adalah mengikat dan muktamad terhadap saya/kami.

*Nota: Pendeposit bererti pelanggan dalam konteks dokumen ini.

- 1.9 Saya/Kami/Organisasi bersetuju dan mengaku janji:-
- 1.9.1 Untuk tidak mendedahkan identiti laluan (ID) dan kod laluan/kata laluan kepada mana-mana orang, melalui e-mel, panggilan telefon atau melalui laman web yang tidak dikenali selain daripada laman web rasmi Bank dan akan mengambil langkah-langkah yang sewajarnya untuk mendapatkan kod laluan/kata laluan dan memastikan peranti keselamatan dilindungi pada setiap masa; dan
- 1.9.2 Untuk memeriksa semua notifikasi berkenaan dengan urusan niaga tepat pada waktunya dan untuk menyemak baki akaun, penyata mana-mana akaun bank atau instrumen pembayaran yang ditetapkan secara tetap, untuk mengesan urusan niaga yang tidak dibenarkan, kesilapan atau percanggahan, dan untuk melaporkan kepada Bank dan pengeluar instrumen pembayaran secepat mungkin yang munasabah sekiranya urusan niaga yang tidak dibenarkan, kesilapan atau percanggahan dikesan.
- 1.10 Selanjutnya, saya/kami/Organisasi mengaku janji untuk membuat laporan mengenai kod laluan/kata laluan yang telah diterobos atau mengenai kehilangan peranti keselamatan kepada Bank secepat mungkin yang munasabah, sebaik sahaja menyedari mengenai penerobosan atau kehilangan masing-masing dan mengaku janji untuk melaporkan dengan segera kepada Bank mengenai kesilapan atau percanggahan yang ditemui dalam mana-mana penyata atau entri. Sekiranya Bank tidak menerima apa-apa maklumat secara bertulis dalam tempoh dua puluh satu (21) hari kalendar daripada tarikh penyata mengenai apa-apa kesilapan atau percanggahan berkenaan dengan entri debit atau entri kredit dalam penyata tersebut, saya/kami/Organisasi akan dianggap sebagai telah menerima entri berkenaan yang dibuat sehingga tarikh akhir entri dalam penyata tersebut sebagai betul, muktamad dan konklusif dan, dengan itu, menerima kesemua pengeluaran atau debit lain kepada akaun di dalam ini.
- 1.11 Saya/Kami/Organisasi perlu menyediakan dokumen/borang yang ditetapkan oleh Bank berserta contoh tandatangan orang yang diberi kuasa oleh saya/kami untuk dilihat/disahkan oleh pegawai yang dibenarkan oleh Bank.
- 1.12 Bank berhak untuk menerima atau menolak permohonan ini tanpa memberi apa juga sebab.

2. Mata wang Akaun

- 2.1 Akaun tersebut boleh dibuka dan dikendalikan dalam jenis mata wang asing tertentu yang dibenarkan oleh Bank.

3. Liabiliti

- 3.1 Saya/Kami/Organisasi hendaklah menanggung rugi Bank, selaku Bank pemungut, bagi semua kerugian, tuntutan, permintaan, prosiding, kos, perbelanjaan dan apa juga liabiliti lain dan pada bila-bila masa yang Bank mungkin tanggung bagi apa-apa cek, bil, nota, draf, waran dividen atau instrumen-instrumen lain yang dikemukakan oleh saya/kami untuk pungutan dan hendaklah dianggap sebagai telah dipungut atas permohonan nyata oleh saya/kami dalam setiap keadaan untuk dikreditkan ke dalam akaun saya/kami.
- 3.2 Sekiranya terdapat mana-mana cek, draf, wang pos dan kiriman wang, dll. saya/kami yang hilang, tersalah letak, dirosakkan atau dimusnahkan semasa urusan pungutan biasa Bank, dengan ini saya/kami/Organisasi bersetuju bahawa saya/kami/Organisasi tidak akan mempertanggungjawabkan Bank bagi apa-apa kerugian, liabiliti atau ganti rugi yang saya/kami/Organisasi mungkin alami, tanggung atau dipertanggungjawabkan berikutan berlakunya kejadian sedemikian.
- 3.3 Apabila Bank menerima atau menanggung liabiliti bagi pihak saya/kami atau atas permohonan saya/kami, apa-apa dana atau sekuriti dan barang berharga lain milik saya/kami yang didepositkan dengan Bank dan dalam jagaan Bank hendaklah secara automatik menjadi sekuriti kepada Bank. Bank mempunyai hak untuk menyimpan dana atau sekuriti atau barang berharga demikian yang ada pada Bank atau mana-mana pun daripadanya dan berhak mengikut budi bicara mutlaknya untuk menolak cek-cek saya/kami sehingga liabiliti diselesaikan.
- 3.4 Dengan ini, saya/kami/Organisasi memberi keizinan kepada Bank untuk mendedahkan maklumat seperti yang mungkin diperlukan oleh Bank Negara Malaysia mengikut arahan mereka dan/atau kepada syarikat dalam Kumpulan Public Bank dan institusi-institusi kewangan lain bagi tujuan penilaian kredit yang bona fide. Dengan berbuat demikian, Bank hendaklah dilepaskan daripada apa juga tanggungjawab atau liabiliti.
- 3.5 Sekiranya Bank melantik atau terpaksa melantik penguamcara untuk menguatkuasakan mana-mana haknya di bawah ini atau sebaliknya sama ada melalui prosiding guaman atau apa-apa cara lain berkaitan dengan akaun saya/kami, saya/kami/Organisasi bertanggungjawab untuk membayar kepada Bank semua kos, fi dan caj yang berkaitan dengannya dan Bank mempunyai hak untuk mendebit akaun bagi kos, fi dan caj berkenaan.
- 3.6 Bank tidak akan bertanggungjawab bagi apa-apa kerugian atau kerosakan yang saya/kami alami, oleh sebab Bank mematuhi atau tidak mematuhi arahan pembayaran yang dikeluarkan oleh saya/kami yang tidak lengkap atau tidak jelas atau sekiranya amaun deposit tidak mencukupi untuk membayar caj bank dan amaun yang dinyatakan dalam arahan sedemikian atau disebabkan oleh atau akibat daripada perniagaan atau operasi yang dihalang atau diganggu oleh kelewatan, pemalsuan tandatangan penandatangani, dan/atau pemalsuan akibat kecuriahan saya/kami, permusuhan, terputus bekalan elektrik atau perhubungan atau sistem rangkaian telekomunikasi lain, rusuhan, sekatan, mogok, embargo, atau kerosakan mesin dan peralatan.
- 3.7 Apa-apa pembayaran yang dibuat oleh Bank menurut mana-mana arahan yang kononnya ditandatangani oleh pihak saya/kami atau wakil yang dibenarkan oleh saya/kami merupakan pembayaran sepenuhnya dan Bank hendaklah dilepaskan daripada apa-apa liabiliti kepada saya/kami dan mana-mana pihak yang berkenaan.
- 3.8 Saya/Kami/Organisasi bersetuju bahawa Bank tidak akan bertanggungjawab dan saya/kami/Organisasi akan menanggung rugi Bank sepenuhnya dan mengelakkan Bank daripada menanggung semua kerugian, kos dan perbelanjaan yang mungkin ditanggung oleh saya/kami atau Bank dengan mana-mana atau semua akaun Bank, atau berikutan pelaksanaan apa-apa arahan oleh Bank atau sekiranya mana-mana akaun bank saya/kami atau mana-mana bahagian daripadanya dikurangkan atau dibekukan oleh mana-mana pihak berkuasa kerajaan atau rasmi.

4. Penutupan Akaun

- 4.1 Saya/Kami/Organisasi hendaklah mengendalikan akaun dengan cara yang memuaskan dan mengikut peraturan ini, sekiranya gagal berbuat demikian, Bank mempunyai hak mengikut budi bicara mutlak untuk menutup dengan serta-merta akaun saya/kami dengan memberi notis secara bertulis atau mengikut masa yang telah ditetapkan didalam notis tersebut dan Bank tidak terikat untuk mendedahkan atau memberikan apa-apa sebab mengenainya.
- 4.2 Akaun ini akan ditutup selepas penerimaan notis secara bertulis yang ditandatangani oleh saya/kami. Arahan untuk menutup akaun saya/kami yang dinyatakan secara lisan atau melalui telefon, faksimile atau e-mel internet tidak diterima oleh Bank.
- 4.3 Bank mempunyai hak mengikut budi bicara mutlak untuk menutup dengan serta-merta akaun saya/kami dengan memberi notis secara bertulis atau mengikut masa yang telah ditetapkan di dalam notis tersebut dan Bank tidak akan terikat untuk mendedahkan atau memberikan apa-apa sebab mengenainya. Bank akan mengeluarkan Cek Jurubank untuk baki kredit di dalam akaun, selepas ditolak kos pentabdiran atau kos-kos lain yang ditanggung oleh Bank dan akan mengepos Cek Jurubank tersebut ke alamat terakhir saya/kami yang didaftarkan dengan Bank.

5. Penggantungan Akaun

- 5.1 Di bawah konsep Qardh, hubungan kontraktual antara saya/kami dengan Bank akan ditamatkan dan pengendalian akaun saya/kami akan ditamatkan di bawah keadaan yang berikut:-
- 5.1.1 Kematian, hilang akal atau bankrap; dan/atau
- 5.1.2 Bagi syarikat terhad, pemfailan penggulangan petyisyen terhadap saya/kami.
- 5.1.3 Pelaksanaan apa-apa proses guaman atau perintah daripada mahkamah ke atas Bank terhadap akaun saya/kami.

6. Penyata Akaun

- 6.1 Penyata akaun saya/kami akan dihantar sebulan sekali atau pada bila-bila masa yang ditetapkan oleh Bank, melainkan saya/kami/Organisasi adalah pengguna Perkhidmatan PBe yang berdaftar dan telah mendaftar untuk perkhidmatan e-Penyata yang mana saya/kami/Organisasi boleh memuat turun penyata akaun dalam bentuk elektronik daripada halaman web tersebut.
- 6.2 Saya/Kami/Organisasi bersetuju dan mengaku janji untuk memeriksa dengan teliti catatan dalam penyata dengan segera dan melaporkan dengan serta-merta kepada Bank mengenai apa-apa kesilapan atau percanggahan yang terdapat di dalamnya. Sekiranya Bank tidak menerima apa-apa pemberitahuan secara bertulis dalam tempoh dua puluh satu (21) hari kalendar dari tarikh penyata mengenai apa-apa kesilapan atau percanggahan berkaitan dengan catatan debit atau kredit dalam penyata, saya/kami/Organisasi dianggap telah menerima catatan sedemikian yang dibuat sehingga tarikh catatan terakhir dalam penyata sebagai betul, mengikat, terakhir dan muktamad dan dengan itu, mengakui semua pengeluaran atau debit lain ke dalam akaun tersebut sebagai betul.
- 6.3 Saya/Kami/Organisasi tidak akan selepas berakhirnya tempoh dua puluh satu (21) hari kalendar mempertikaikan apa-apa butiran dalam penyata tersebut atas apa juga sebab tertakluk sentiasa bahawa Bank mempunyai hak mutlak untuk menolak apa-apa butiran yang tersilap dikreditkan ke dalam akaun saya/kami. Seterusnya saya/kami/Organisasi mengaku janji untuk membayar balik segala catatan yang tersilap dikreditkan ke dalam akaun saya/kami dan menanggung rugi Bank terhadap apa-apa kerugian yang Bank mungkin tanggung disebabkan masukan kredit yang silap itu.
- 6.4 Berikutan harapan tinggi yang diletakkan kepada Bank, saya/kami/Organisasi dengan ini bersetuju untuk tidak membuat apa-apa tuntutan daripada Bank bagi apa-apa tandatangan yang tidak dibenarkan atau pengesahan atau apa-apa pengubahsuaian jika ada, daripada tarikh penyerahan penyata yang berkaitan yang tidak dimaklumkan kepada Bank secara bertulis dalam tempoh dua puluh satu (21) hari kalendar.

7. Hak Untuk Mendebit Akaun

- 7.1 Bank mempunyai hak mutlak untuk mendebit akaun saya/kami bagi apa-apa deraf, wang pos dan kiriman pos atau apa-apa instrumen yang sebelum ini dikreditkan atau didiskaun sekiranya ia tak laku atau tidak berbayar, atau untuk apa-apa caj/perbelanjaan lain yang dikenakan berikutan daripadanya dan bagi apa-apa fi, komisen, atau apa-apa caj perkhidmatan yang berkenaan, fi pengendalian atau apa-apa fi dan caj lain yang dikenakan oleh Bank dari semasa ke semasa atau cukai lain seumpamanya yang dikenakan sama ada dikuatkuasakan pada masa ini atau yang akan dikuatkuasakan dan boleh dicaj menurut undang-undang bagi perkhidmatan dan kemudahan yang diberi oleh Bank kepada saya/kami.

8. Hak Untuk Menolak Selesai

- 8.1 Saya/Kami/Organisasi bersetuju bahawa selain apa-apa lien am atau hak serupa lain yang Bank sebagai jurubank mungkin berhak dari segi undang-undang, Bank boleh pada bila-bila masa, dengan notis awal selama tujuh (7) hari kalendar, menggabungkan atau menyatukan semua atau mana-mana akaun perbankan dengan dan liabiliti kepada Bank di mana juga ia berada dan menolak selesai atau memindahkan apa-apa jumlah baki kredit yang terdapat dalam Akaun Semasa ini untuk membayar liabiliti mana-mana pemegang-pemegang akaun kepada Bank sama ada liabiliti kepada Bank adalah pada masa ini, pada masa hadapan, sebenar, luar jangka, utama atau cagaran atau berasingan atau bersama.
- 8.2 Seterusnya, setakat mana liabiliti semua pemegang akaun Bank adalah luar jangka, atau pada masa hadapan, liabiliti Bank kepada saya/kami untuk membuat bayaran apa-apa jumlah wang, yang terdapat di dalam kredit Akaun Semasa ini hendaklah setakat yang perlu untuk membayar liabiliti sedemikian ditunda sehingga berlakunya kejadian luar jangka atau pada masa hadapan tersebut.

- 8.3 Sekiranya penggabungan, tolak selesai atau pindahan sedemikian memerlukan penukaran suatu mata wang ke suatu mata wang yang lain, penukaran sedemikian hendaklah dikira pada kadar pertukaran semerta Bank (seperti yang ditentukan oleh Bank secara muktamad) untuk pembelian mata wang yang mana saya/kami/Organisasi berhutang dengan mata wang sedia ada yang telah ditukarkan. Bank tidak akan dipertanggungjawabkan atau bertanggungjawab bagi apa-apa kerugian berikutan pelaksanaan hak ini.

9. Amaun Deposit

- 9.1 Saya/Kami/Organisasi perlu meletakkan deposit permulaan tidak kurang dari Dolar A.S.1,000.00 atau nilai yang bersamaan dengannya dalam mata wang asing lain di dalam akaun tersebut.
- 9.2 Bank mempunyai hak untuk menetapkan dan mengubah dari semasa ke semasa amaun minimum bagi:-
- 9.2.1 Deposit permulaan yang perlu didepositkan semasa pembukaan akaun.
- 9.2.2 Baki harian yang perlu disimpan di dalam akaun.

10. Deposit Ke Dalam Akaun

- 10.1 Draf dan apa-apa instrumen boleh niaga yang diterima untuk kredit ke dalam akaun adalah untuk pungutan sahaja dan akan hanya diberi nilai selepas Bank menerima hasil pungutan.
- 10.2 Apa-apa caj ejen atau Bank yang dikenakan ke atas hasil pungutan tersebut akan ditolak dari amaun hasil pungutan dan hanya amaun bersih akan dikreditkan ke dalam akaun.
- 10.3 Mana-mana instrumen boleh niaga yang didepositkan ke dalam Bank tetapi kemudiannya tak sah laku mungkin dikembalikan melalui pos atau ditinggalkan di alamat terakhir saya/kami yang didaftarkan dengan Bank atas risiko dan pembiayaan saya/kami.
- 10.4 Bank mempunyai hak untuk menolak apa-apa deposit mata wang asing secara tunai ke dalam akaun tersebut.
- 10.5 Bank mempunyai hak untuk menolak apa-apa bentuk deposit yang diperolehi daripada sumber yang tidak sah/haram di bawah Syariah.

11. Pengeluaran Daripada Akaun

- 11.1 Semua permohonan untuk pengeluaran mesti disertakan dengan arahan bertulis untuk dilaksanakan dan ditandatangani dengan sewajarnya oleh penandatanganan akaun tersebut dan tertakluk kepada pengesahan oleh Bank bagi kedua-dua arahan dan tandatangan tersebut.
- 11.2 Sekiranya saya/kami/Organisasi mengeluarkan beberapa arahan bayaran secara bertulis daripada akaun tersebut dan jumlah agregat arahan bayaran melebihi baki kredit saya/kami yang sedia ada atau apa-apa persetujuan yang dibuat terlebih dahulu dengan Bank, Bank berhak, tanpa mengambil kira tarikh arahan tersebut dibuat, masa penerimaan atau jumlahnya, untuk menentukan mengikut budi bicara mutlaknyanya arahan mana yang perlu dilaksanakan.
- 11.3 Bank mempunyai hak untuk menolak pengeluaran mata wang asing dalam bentuk tunai daripada akaun.

12. Hibah

- 12.1 Amaun prinsipal saya/kami/Organisasi dijamin selamat dan tidak layak untuk menerima apa-apa hasil/pulangan berdasarkan kontrak. Bagaimanapun, Bank dibenarkan untuk memberi insentif kepada saya/kami menerusi pemberian hadiah/hibah dalam bentuk tunai dan barang.

13. Caj Perkhidmatan

- 13.1 Saya/Kami/Organisasi bersetuju untuk membayar dan memberi kebenaran kepada Bank untuk mendebit akaun bagi caj-caj perkhidmatan seperti di bawah:-
- 13.1.1 Caj pengendalian akaun bagi setiap tahun seperti yang ditetapkan oleh Bank akan dikenakan ke atas semua akaun;
- 13.1.2 Caj perkhidmatan untuk setiap arahan pengeluaran samada pengeluaran tersebut dilaksanakan atau sebaliknya disebabkan oleh dana tidak mencukupi dan/atau pembatalan apa-apa arahan untuk pengeluaran tersebut;
- 13.1.3 Pengeluaran penyata tambahan/salinan; dan
- 13.1.4 Caj lain yang berpatutan yang dikenakan oleh Bank dari semasa ke semasa bagi perkhidmatan dan kemudahan yang ditawarkan oleh Bank kepada pemegang akaun.

14. Perubahan Rekod

- 14.1 Saya/Kami/Organisasi hendaklah memaklumkan kepada Bank dengan serta-merta secara bertulis mengenai apa-apa perubahan dalam rekod-rekod berkenaan yang dikendalikan oleh Bank seperti perubahan penandatanganan yang dibenarkan, pertukaran rakan kongsi (bagi akaun perkongsian), perubahan pada Memorandum dan Tataurus Pertubuhan atau Perlembagaan, pertukaran alamat, dll.

15. Cukai Dan Risiko Kadar Pertukaran

- 15.1 Saya/Kami/Organisasi bersetuju bahawa semua urus niaga mata wang asing melibatkan risiko Kadar Pertukaran dan seterusnya bersetuju bahawa semua urus niaga dengan Bank dan mana-mana pihak ketiga melalui Bank adalah bergantung kepada kadar pertukaran pada tarikh urus niaga berkenaan. Saya/Kami/Organisasi juga bersetuju dan menerima bahawa pergerakan kadar pertukaran yang buruk mungkin menyebabkan penyusutan atau penghausan dana dalam akaun saya/kami.
- 15.2 Saya/Kami/Organisasi bersetuju bahawa Bank tidak mempunyai tanggungjawab atau apa juga liabiliti terhadap saya/kami bagi apa-apa penyusutan atau penghausan baki dana dalam akaun saya/kami atau nilai dana tersebut disebabkan oleh cukai, susut nilai mata wang asing, sekatan atau kebolehtukaran, dan perubahan dasar kerajaan negara mata wang berkenaan dan Malaysia dalam apa juga bentuk termasuk pelaksanaan kuasa kerajaan atau tentera, peperangan, mogok atau apa-apa sebab yang di luar kawalan Bank.

16. Undang-Undang Dan Peraturan

- 16.1 Bank berhak dari semasa ke semasa dan tanpa notis selanjutnya kepada saya/kami, untuk menambah peraturan baru atau mengubah atau meminda peraturan yang sedia ada seperti yang dinyatakan di atas, mengikut budi bicaranya dianggap perlu dibuat. Apa-apa tambahan, perubahan atau pindaan hendaklah dengan serta-merta dianggap muktamad dan mengikat.
- 16.2 Selain peraturan-peraturan Bank, akaun ini adalah tertakluk pada cukai dan apa-apa dasar atau undang-undang, peraturan, arahan atau permintaan daripada mana-mana pihak berkuasa kerajaan atau pengawalseliaan (sama ada mempunyai kuasa undang-undang atau tidak) yang mengenakan atau mengubah apa-apa peraturan yang mana Bank tertakluk ke atasnya. Saya/Kami/Organisasi bersetuju untuk mematuhi dasar-dasar Bank Negara Malaysia, arahan dan garis panduan, undang-undang Malaysia termasuk Akta Perkhidmatan Kewangan Islam 2013, Peraturan Pentadbiran Pertukaran Asing dan Peraturan Persatuan Bank-Bank Dalam Malaysia dan apa-apa pindaan atau pengubahsuaian yang berkenaan.

17. Undang-Undang Syariah

- 17.1 Pengendalian akaun tersebut hendaklah tertakluk pada jenis perniagaan dan pekerjaan saya/kami tidak bertentangan dengan Prinsip Syariah. Bank mempunyai hak untuk menutup akaun tersebut sekiranya jenis perniagaan atau pekerjaan saya/kami telah bertukar daripada aktiviti yang halal kepada haram.

18. Prinsip Akaun Semasa-i Mata wang Asing

- 18.1 Bank akan menerima jumlah wang yang didepositkan dan apa-apa wang yang kemudiannya didepositkan ke dalam Akaun Semasa-i Qardh Mata wang Asing berdasarkan prinsip Qardh.

Di bawah prinsip Qardh, Bank menjamin pembayaran semula sepenuhnya bagi deposit yang diletakkan oleh saya/kami dalam Akaun Semasa-i Mata wang Asing apabila diminta. Deposit dalam akaun semasa dianggap seolah-olah ia adalah pinjaman daripada pelanggan kepada Bank dan justeru itu, tidak membawa hasil kepada saya/kami. Amaun prinsipal saya/kami/Organisasi dijamin selamat dan tidak layak untuk menerima hasil/pulangan berdasarkan kontrak. Bagaimanapun, Bank dibenarkan untuk memberi insentif kepada saya/kami (mengikut budi bicaranya) menerusi pemberian hadiah atau hibah dalam bentuk tunai dan barangan, dan pengurangan dalam atau pengecualian daripada caj perkhidmatan atau fi ejen yang perlu dibayar kepada Bank.

19. Akaun Bersama

- 19.1 Sekiranya akaun ini adalah untuk Akaun Bersama, kami, pemegang-pemegang akaun bersetuju bahawa sekiranya salah seorang pemegang akaun meninggal dunia, pihak Bank dibenarkan untuk membayar baki yang ada dalam kredit akaun ini kepada mereka yang masih hidup dan pembayaran tersebut hendaklah merupakan bayaran yang sah oleh Bank akan jumlah yang perlu dibayar daripada akaun ini.
- 19.2 Kami bersetuju dan memperakui bahawa mandat yang diberi dalam pengendalian akaun boleh ditamatkan oleh salah seorang daripada kami dan pihak Bank berhak untuk bertindak atas arahan yang sama. Dalam keadaan demikian, Bank boleh mengikut budi bicaranya untuk tidak membenarkan apa-apa pengeluaran dibuat daripada akaun tersebut sehingga menerima mandat baru daripada kami.
- 19.3 Kami memberi kuasa kepada Bank untuk mengkreditkan dana ke dalam Akaun Bersama sama ada dalam bentuk tunai atau melalui pindahan dana elektronik, cek dan instrumen boleh niaga kepunyaan atau yang dibayar kepada salah seorang/mana-mana daripada kami. Sebagai balasan bagi perkara di atas dan oleh sebab Bank bersetuju untuk memasukkan semua jumlah yang diterima oleh Bank sama ada dalam bentuk tunai, melalui pindahan dana elektronik atau daripada cek dan instrumen boleh niaga lain atas nama salah seorang/mana-mana daripada kami untuk dikredit ke dalam Akaun Bersama dan untuk menghantar apa-apa instrumen atau cek yang Bank mungkin pegang untuk Akaun Bersama kepada salah seorang/mana-mana daripada kami, kami secara bersetuju dan berasingan mengaku janji untuk tidak memudaratkan Bank dan terus menanggung rugi Bank bagi semua kerugian, tuntutan, permintaan, prosiding, kos, perbelanjaan dan liabiliti-liabiliti lain apa sahaja dan bila-bila masa yang ditanggung atau berikutan daripada kebenaran di atas, tertakluk kepada hak Bank untuk menolak pada bila-bila masa dan mengikut budi bicara Bank atau apa juga sebab apa-apa wang, pindahan dana elektronik, cek atau lain-lain instrumen boleh niaga yang diterima.
- 19.4 Sekiranya salah seorang daripada kami beragama Islam, akaun tersebut adalah tertakluk pada Syariah.

20. Cap Getah

- 20.1 Cetakan cap getah persatuan/kelab/pertubuhan mesti diletakkan pada borang untuk membuka akaun yang ditetapkan oleh Bank berserta tandatangan contoh orang yang dibenarkan untuk mengendalikan akaun tersebut.

21. **Perbadanan Insurans Deposit Malaysia (PIDM)**

- 21.1 Deposit yang disenggara oleh saya/kami dalam Akaun ini dilindungi oleh PIDM setakat RM250,000.00 bagi setiap pendeposit*.
- 21.2 Wang yang dikeluarkan daripada deposit berinsurans saya/kami tidak lagi dilindungi oleh PIDM:-
- 21.2.1 Jika tujuannya adalah bagi pembelian unit dalam skim unit amanah/pembukaan akaun simpanan dalam Lembaga Tabung Haji/pembukaan skim simpanan dalam Skim Simpanan Pendidikan Nasional, dll.
- 21.2.2 Jika dipindahkan kepada:-
- (a) Akaun deposit yang boleh dibayar di luar Malaysia;
 - (b) Akaun deposit yang dipegang oleh institusi kewangan yang menjalankan perniagaan perbankan di Labuan atau perniagaan perbankan Islam di Labuan;
 - (c) Akaun deposit yang dipegang oleh ahli bukan pengambil deposit PIDM;
 - (d) Akaun bukan deposit (misalnya skim unit amanah, akaun perdagangan sekuriti, dll.); atau
 - (e) Akaun deposit tidak berinsurans (misalnya Akaun Pelaburan Emas, Instrumen Deposit Boleh Niaga Runcit, dll.).

*Nota: Pendeposit bererti pelanggan dalam konteks dokumen ini.

22. **Akta Perkhidmatan Kewangan Islam 2013 (APKI) Dan Garis Panduan Bank Negara Malaysia (BNM) Mengenai Ketelusan Dan Pendedahan Produk**

- 22.1 Saya/Kami memahami dan mengesahkan bahawa menurut Seksyen 146 Akta Perkhidmatan Kewangan Islam 2013 ("APKI"), Bank dibenarkan dari segi undang-undang untuk mendedahkan maklumat mengenai urusan saya/kami, akaun perbankan atau penyenggaraannya (termasuk kedudukan kredit saya/kami) kepada pihak ketiga seperti yang diluluskan oleh BNM bagi memudahkan dan/atau membenarkan Bank dan/atau syarikat-syarikat berkaitan dan bersekutu dalam Kumpulan PBB untuk melaksanakan fungsi-fungsinya dan/atau fungsi-fungsi mereka dan dengan ini saya/kami memberi kebenaran tidak boleh ubah kepada Bank dan membenarkan Bank untuk memberikan maklumat berkaitan kepada mana-mana penjamin (penjamin-penjamin)/pihak sekuriti, peguam Bank, ejen pemungut hutang, pihak ketiga dan/atau syarikat-syarikat berkaitan dan bersekutu dalam Kumpulan PBB pada bila-bila masa dan tanpa notis atau liabiliti yang Bank mengikut budi bicara mutlak yang dianggap perlu atau wajar bagi membolehkan Bank dan/atau syarikat-syarikat berkaitan dan bersekutu dalam Kumpulan PBB untuk melaksanakan fungsi-fungsinya dan/atau fungsi-fungsi mereka. Dengan berbuat demikian, saya/kami bersetuju bahawa Bank hendaklah dibebaskan daripada apa-apa juga tanggungjawab atau liabiliti.

23. **Notis Perlindungan Data dan Keizinan**

- 23.1 Saya/Kami/Organisasi maklum bahawa Notis Privasi Bank mengenai pengumpulan, penggunaan, penyimpanan dan perkongsian maklumat peribadi saya/kami dan perkara-perkara yang berkaitan dengannya boleh didapati di laman web Bank. Notis Privasi Bank juga boleh diperolehi daripada mana-mana cawangan Bank.
- 23.2 Saya/Kami/Organisasi juga maklum mengenai tujuan Bank untuk memaklumkan kepada saya/kami mengenai maklumat, pengumuman dan berita penting mengenai produk dan perkhidmatan termasuk tawaran promosi dan bahan pemasaran Bank dan Syarikat-syarikat Gabungannya. Senarai Syarikat gabungan Bank boleh didapati dalam Notis Privasi Bank.
- 23.3 Saya/Kami/Organisasi memahami bahawa saya/kami layak untuk mendapat akses kepada dan untuk memohon agar pembetulan dibuat maklumat peribadi saya/kami yang ada pada Bank dan bahawa saya/kami/Organisasi boleh memaklumkan kepada Bank untuk tidak lagi menggunakan maklumat peribadi saya/kami bagi tujuan yang dinyatakan dalam perkara 23.2 di atas dan bahawa permintaan ini boleh dibuat secara bertulis kepada Bank di cawangan pemegang akaun saya/kami atau dengan menghantarkannya ke Jabatan Perkhidmatan Pelanggan, Tingkat 13, Menara Public Bank, 146 Jalan Ampang, 50450 Kuala Lumpur.

24. **Standard Pelaporan Biasa (CRS) dan Akta Pematuhan Cukai Akaun Asing (FATCA)**

- 24.1 "CRS" ialah Undang-undang Percukaian Biasa mengenai Pertukaran Maklumat secara Automatik yang diperkenalkan oleh Organisasi bagi Kerjasama dan Pembangunan Ekonomi (OECD) untuk bertukar-tukar maklumat akaun kewangan yang dipegang oleh bukan pemastautin. Ia menghendaki Public Bank Berhad dan syarikat-syarikat dalam kumpulan termasuk subsidiari, syarikat-syarikat berkaitan dan cawangan ("Kumpulan PBB"), mana yang berkenaan, untuk mengumpul maklumat akaun kewangan yang dipegang oleh bukan pemastautin atau rakyat Malaysia yang merupakan pemastautin cukai asing untuk melaporkan maklumat berkenaan kepada Lembaga Hasil Dalam Negeri Malaysia (LHDNM) atau mana-mana pihak berkuasa percukaian yang berkaitan untuk bertukar-tukar maklumat kewangan pelanggan dengan wilayah bidang kuasa kena lapor CRS pada setiap tahun.
- 24.2 "FATCA" ialah undang-undang yang digubal oleh Kerajaan Amerika Syarikat (A.S.) yang memerlukan Kumpulan PBB yang mengambil bahagian dalam aturan FATCA sama ada melalui Perjanjian Antara Kerajaan atau melalui Perjanjian Institusi Kewangan Asing untuk melaporkan maklumat akaun yang berkaitan dengan Orang A.S. menerusi LHDNM/pihak berkuasa percukaian yang berkaitan atau terus kepada Perkhidmatan Hasil Dalam Negeri A.S. (IRS) pada setiap tahun.

Dalam mencapai matlamat penguatkuasaan dan pematuhan pada undang-undang cukai FATCA dan CRS, Kumpulan PBB bertanggungjawab untuk mendapatkan maklumat peribadi tambahan pelanggan, persijilan dan dokumen daripada semua pelanggan individu yang mempunyai hubungan perniagaan dan urusan dengan Kumpulan PBB. Maklumat sedemikian boleh diperolehi semasa akaun dibuka atau pada bila-bila masa selepas itu, terutamanya sekiranya terdapat perubahan dalam keadaan.

- 24.3 Saya/Kami/Organisasi bersetuju dan mengaku janji untuk memaklumkan kepada Bank dalam tempoh tiga puluh (30) hari sekiranya terdapat perubahan pada maklumat saya/kami/Organisasi, termasuk tetapi tidak terhad kepada apa-apa pertukaran alamat kediaman/perniagaan, nombor telefon, kerakyatan, maklumat pengenalan cukai peribadi/organisasi, pemilikan syarikat dsbnya. Saya/Kami/Organisasi akan mengemukakan kepada Bank atau Kumpulan PBB, mana yang berkenaan, dokumen yang diperlukan bagi membuktikan perubahan tersebut dalam tempoh sembilan puluh (90) hari dari tarikh perubahan.
- 24.4 Dengan ini saya/kami/Organisasi secara khusus mengizinkan Bank atau Kumpulan PBB, mana yang berkenaan untuk mendedahkan maklumat percukaian saya/kami/Organisasi bagi tujuan pelaporan CRS dan FATCA yang termasuk tetapi tidak terhad kepada Nombor Pengenalan Cukai (TIN) saya/kami/Organisasi kepada LHDNM atau mana-mana pihak berkuasa percukaian yang lain bagi tujuan untuk memastikan pematuhan Bank dan Kumpulan PBB kepada undang-undang yang diterima pakai dan peraturan-peraturan di bawah FATCA dan CRS.
- 24.5 Dengan ini saya/kami/Organisasi mengesahkan bahawa:-
- 24.5.1 Saya/Kami/Organisasi akan mematuhi semua kewajipan saya/kami di bawah perkara 24.3 dan 24.4 di atas;
- 24.5.2 Semua maklumat yang diberikan oleh saya/kami/Organisasi dalam bentuk borang dan dokumen adalah lengkap dan/atau diberi kepada Bank atau Kumpulan PBB, mana yang berkenaan adalah benar, betul, boleh dipercayai dan terkini; dan
- 24.5.3 Bank atau mana-mana anggota dalam Kumpulan PBB dibenarkan untuk mendedahkan maklumat akaun kewangan saya/kami/Organisasi kepada LHDNM atau mana-mana pihak berkuasa percukaian yang berkaitan seperti yang diperlukan.
- 24.6 Dengan ini saya/kami/Organisasi mengakui dan bersetuju bahawa sekiranya saya/kami/Organisasi enggan, gagal dan/atau abai dalam mengemas kini rekod saya/kami/Organisasi dengan Bank atau Kumpulan PBB atau mematuhi keperluan FATCA dan/atau CRS dan/atau memberi maklumat palsu, tidak betul, tidak tepat atau lapuk kepada Bank atau Kumpulan PBB, Bank atau Kumpulan PBB, mana yang berkenaan, berhak untuk melaksanakan yang berikut:-
- 24.6.1 Menutup akaun saya/kami/Organisasi dengan Bank dan apa-apa akaun yang saya/kami/Organisasi ada dengan Kumpulan PBB;
- 24.6.2 Enggan memberi perkhidmatan baharu Bank atau Kumpulan PBB, mana yang berkenaan, kepada saya/kami/Organisasi; dan
- 24.5.3 Memberi maklumat akaun saya/kami/Organisasi kepada LHDNM atau mana-mana pihak berkuasa percukaian yang berkaitan dalam memenuhi kewajipan FATCA dan CRS Bank atau Kumpulan PBB, mana yang berkenaan.
- 24.7 Saya/Kami/Organisasi mengesahkan bahawa saya/kami/Organisasi akan mendapatkan nasihat guaman bebas mengenai kewajipan saya/kami/Organisasi di bawah FATCA dan CRS dan akan memastikan pematuhan sepenuhnya kepada nasihat itu dan selanjutnya mengesahkan bahawa Bank atau mana-mana anggota dalam Kumpulan PBB tidak berkewajipan untuk memberi nasihat guaman dan/atau cukai mengenai perkara tersebut.

25. Perkhidmatan PBe

- 25.1 Individu yang memohon perkhidmatan PBe mesti berumur lapan belas (18) dan ke atas.
- 25.2 Dengan ini saya/kami bersetuju dan mengaku janji untuk menanggung rugi Bank dan pada setiap masa melindungi Bank sepenuhnya daripada dan terhadap semua tuntutan dan permintaan, tindakan dan prosiding, kerugian dan perbelanjaan termasuk kos guaman seperti antara peguamcara dengan pelanggan dan semua liabiliti lain dalam apa juga bentuk yang mungkin dibuat atau diambil atau dialami atau ditanggung oleh Bank berhubung dengan atau dalam apa-apa cara berikutan daripada kuasa yang diberi oleh saya/kami. Saya/Kami seterusnya bersetuju bahawa liabiliti saya/kami adalah liabiliti berlanjutan dan akan terus berkuat kuasa sepenuhnya sehingga liabiliti Bank, sekiranya ada, dilaksanakan sepenuhnya mengikut kehendak Bank. Saya/Kami telah membaca dan memahami Terma dan Syarat mengenai akses Perkhidmatan PBe tersebut dan dengan ini bersetuju bahawa Terma dan Syarat tersebut hendaklah mengikat saya/kami. Dengan ini, saya/kami mengakui bahawa tiada apa-apa perubahan kepada mandat saya/kami kepada Bank bagi pengendalian akaun berkenaan.

26. Notis dan Komunikasi

- 26.1 Saya/Kami/Organisasi akan memaklumkan kepada Bank mengenai apa-apa perubahan alamat. Segala surat-menyurat yang dihantar melalui pos oleh Bank yang dialamatkan atau dihantar ke alamat terakhir yang didaftarkan dengan Bank dianggap sebagai telah dihantar kepada saya/kami.
- 26.2 Semua notis dan komunikasi kepada saya/kami adalah secara bertulis dan boleh dihantar melalui e-mel internet atau dipamerkan di premis dan melalui laman web Bank. Apa-apa proses undang-undang boleh dihantar kepada saya/kami melalui pos atau ditinggalkan di alamat terakhir saya/kami yang didaftarkan dengan Bank hendaklah dianggap telah dihantar dengan sewajarnya dan diterima oleh saya/kami.
- 26.3 Bank berhak dari semasa ke semasa untuk mengenakan atau mengubah apa-apa fi dan caj dengan memberi notis selama dua puluh satu (21) hari kalendar yang mempamerkan fi dan caj baharu itu di premis dan laman web Bank.

27. Perakuan

- 27.1 Saya/Kami/Organisasi dikehendaki untuk menyempurnakan dan melengkapkan borang untuk membuka akaun yang ditetapkan oleh Bank yang dilampirkan sebagai sebahagian daripada Peraturan-peraturan ini.

27.2 Saya/Kami/Organisasi dianggap telah membaca, memahami dan bersetuju bahawa Peraturan-peraturan ini berserta borang untuk membuka akaun yang ditetapkan oleh Bank yang tersebut di atas akan terus diguna pakai bagi semua Akaun Semasa-i Mata wang Asing yang dibuka di cawangan Bank yang sama dengan syarat Akaun Semasa-i Mata wang Asing tersebut pada masa hadapan akan mempunyai mandat yang sama seperti akaun yang dibuka ini.

28. **Lain-Lain**

28.1 Saya/Kami/Organisasi mengaku bahawa sebelum atau pada waktu akaun dibuka, saya/kami/wakil Organisasi belum:-

- (a) Melakukan apa-apa tindakan kebangkrapan; dan/atau
- (b) Tertakluk kepada apa-apa resolusi atau petisyen pembubaran atau ketidakmampuan bayar yang dibuat/dikemukakan terhadap saya/kami.

Saya/Kami/Wakil Organisasi seterusnya bersetuju bahawa sekiranya saya/kami melanggar mana-mana yang tersebut di atas, Bank mempunyai hak mutlak pada bila-bila masa untuk menutup Akaun Pelbagai Mata wang Asing ini tanpa memberi notis terlebih dahulu.

28.2 Walau apa pun peruntukan di dalam ini, Bank berhak mengikut budi bicara mutlaknya untuk menghalang apa-apa operasi dibuat terhadap Akaun ini sekiranya Bank mengesyaki bahawa akaun tersebut digunakan untuk apa juga tujuan yang menyalahi undang-undang.

Jika berlaku apa-apa pertikaian atau percanggahan antara teks Bahasa Inggeris dan terjemahan Bahasa Malaysia ini, maka teks Bahasa Inggeris akan diterima pakai.

[RUANG DI BAWAH INI SENGAJA DIBIARKAN KOSONG]